


ਦੀਰ ਬਾਲਕ

ਛਲ ਸਿੰਘ ਹੌਜ



पहला अध्याय—कवि का चरणन

समर सिंह के सात वेणों का हाल

पंचनाम देव तुम है जया दयाल ।

मूरखा का दिल मज़ करिया उज्वल ॥

ईश्वर की व्यान धरि उठानू कलम ।

सब जग वीको माँया जलम थलम ॥

धन धन हरि तुम विष्णु भगवान् ।

आधिनौ कौ लेखणौ कौ दिया वरदान ॥

हृदय में बैठि जये संरस्वती भाई ।

गणेश ज्यु व्रिधन हरि करिया सहाई ॥

धन धन हरि तुम धन तेरी माया ।

कसा कसा ज्यला हया सदा के निरथा ।

सत्तर सौ नव्वे का मैं सुणानू यो हाल ।

गोरखा लै जित जब अलमोड़ा गढ़वाल ॥

ते बखतर समर सिंह गुज्डू कोट मज ।

सात च्यला सात ब्वारी चार पट्टी रज ॥

तला पट्टी सल्ट मज समरु छी हीत ।

कस छी बखत भया किसी छी ओ रीत ॥

गुज्डू कोट मज छिय तैक वसनाम ।

चार दिन दुनिया में चले गया नाम ।

सात च्यला सात ब्वारी खूब भर पर ।

चार पट्टी मालिक छ कैकी निहै डर ।

कुणखेत बारैडा में कमैं खणी स्यदा ।

गुज्डू कोट मज हैडे अन धनै ढेरा ।

भास्ते सुख चैन हैरी भारी छी सम्पत्ति ।

जब आनी बुरा दिन बैठी जें कुमति ॥

सात च्यला समरु का मारी घूरवीर ।

आई गय अभिमान निलयना खातिर ॥

सात बेटों का—आन जना लोगों की ओ लूटना रेशाला ॥

भलीभाली बाकरी कौ आई जाढा कोला ॥

अण ब्याह चेलियों कौ ठाकुर चारी खानी ।

बाट बट जैक भालै लै उधानी ॥

दुखियों का—अणियाँ जणियाँ लोग है गई हारन ॥

बटा बटा बन्द हैगी सुणौ भगवान ॥

हमारी पुकार न्हैजो ईश्वरा दरवार ।

गुज्डू कोट मज हैरी कस अत्याचार ॥

साते च्यला मरीजे ओ ब्वारी हैजों रानी ।

बिन बाते दुख दिनी यसा अभिमानी ॥

जग जग सब लोग दौब जन गाई ।
 टोटली है जाली कनी नाजै कसी नाई ॥
 तैबखता जर आया मुलुक तमान ।
 इलाका में फैली गया जादू की समान ॥
 कुछ दिन मज सब भला हुई गया ।
 आखरी में जर जब गुजुडू कोट गया ॥
 जर है कुंजर हैगी गुजुडू का कोट ।
 कैमजी व्य दोष बाबू अपणी छी खोट ॥
 जैकणी ओ जर आनी निउठना ठाड़ा ।
 गुजडू कोट मज लेगे दुखियों की डाड़ा ॥
 लीई गय अभिमान लीभय गरूर ।
 दुनिया की गाई बाबू लागीगे जरूर ॥
 सात च्यला समरू का पड़िया रेगया ।
 बारी बारी पर भया हंसी ढूंग गया ॥
 साते दिन मज तब साते च्यला मरा ।
 साते द्वारी रानी हैगी यस अया जरा ॥
 साते च्यला मरी गया एक ज्ञे निरय ।
 हाय करी समरू क कंठ रुकौ गया ॥
 आठों दिन समरुवा स्वर्गवास हया ।
 छै मैहैन हरु हीत षेट मुया रया ।
 —
 एक छौ मेहड़ी हरुसात छै भौजिया ।
 देखण चहण मज मन का रौजिना ॥

भल मैंसों च्यलों छिया खानी दानी घर ।

कसी जानी यथा उथा सरमें की डर ॥

हरुवा का नाम पर उमर कोटनी ।

अन धन के निरय गेठी क्योला खानी ॥

खानदानी घर छिय हई गई सेक ।

शूर वीर मरी गई हरु रथ एक ॥

खीमानन्द कहण छ घर लिया ध्यान ।

दो दिन बचण हय निकय गुमान ॥

जति शान्ति हलो ओती ईश्वरौ का वास ।

अभिमा करि गया बड़ौ बड़ी नास ॥

हमरो क्य गिनती हई देवों को निरई ।

गूजड़ कोट गर्मों लै कसी दसा भई ॥

द्वीये स्यरा बंजा हया बन्द है रकम ।

निरहैगे डर कैकी नै किंक हुकम ॥

डर है निडर हैगी खुशो हया लोग ।

सात च्यला मरी गया उड़ी गय भोग ॥

महेणी भाजिया हह करनी पालन ।

जो पूछल दुश्मन वताथा लै भन ॥

हरुका—चुर पांच वरस क हस्ता है गय ।

पड़ुण लिजायाँ तब स्कूल गय ॥

दिन मरि इसकूल द्याल काढ खेल ॥

ननतिनों मज भयो पैली बटो मेल ॥

जस जेक काम हौदा उसेउ करनी ।

मछा रनी पाणी जज बच्चा लै तैरनो ॥

कबे होंछ दिवान वीक कवे हैछा सन्तरी ।

अफु हौछ रज हरु ठाड़रों सन्तरी ॥

एक दिन एक नान बनै हैल चोर ।

हरुव हुक्म लैगो हात बांधों ढोर ॥

कान लै पकड़ी वेर मारनी द्वी लात ।

आज बटि छोड़ी दिये चोरी की लै लत ॥

चोर जो वनाय बाबू तेक नाम मोती ।

ऐसी बोली मारी वेले बात अण होती ॥

चोर—गरभै लै खाय कोछाँ सात भाई त्यरा ।

कार बार बन्द हय बांज हया स्यरा ॥

चार पट्टी जिमीदार निदिना रकम ।

डर है निढ़िक हैगो न कैक हुक्म ॥

तब कौला च्यलौ छै तु उधालै रकम ।

स्यर लै आबाद कलै दियलै हुक्म ॥

चौद सालै उमर छी हरुवें की तब ।

बदन में आग लैगे बोली मारी जब ॥

हरु का...एक दिन न्हैगो हरु महेड़ी का पास ।

हाथ जोड़ी कोछ इजा अरज छ खास ॥

खेती ममै कती खछो सात भाई म्यरा ।

कतीं लै इलाक म्योर कती मेरा स्यरा ॥

भेद भन छिपये तु सांची कये बात ।

भेद जै छिपांली इज्जा कौला जीव घात ॥

माता का—यतु वात मुणी मुाँ कौ हिय भरि आय ।

को हनव दुश्मर भेद जो बताय ॥

निबतानू मैं जब य बड़ौ हठिल ।

बजरे की छाती करी समझाया ॥

तिकणी कराय च्यला नौरमल पास ।

काला दिनो याद करी मैं लागू निसास ॥

कुणखेत बौरणा मैं कमै खणी स्यरा ।

धार पट्टी मज च्यला जिमीदार त्यरा ॥

जै महेनौ छिय च्यला सातै भाई मरान ।

बाह्यू तेरा मरी गया छुट कारबार ॥

उदिन बै खेती बांजीं बन्द है रकम ।

निरहैगे डेर कैकी न कैको हुंकम ॥

हरु का—इन बातों सुणि हरु उठिगो जहर ।

गुस मैं भरिगो हरु बाल भरु भर ॥

आज तक निबताय इजा त्वीले बात ।

ऐसो बात सुणीं मेरो जली गोछ गात ॥

मैत जानू मेरी इजा चारौ पट्टी मज ।

किलक रकम हकी क्यछ मन मज ।

एक हाथ ढाल थाम एक तलवार ।

जीन थरी घोड़ी मज है गयो मवार ॥

हरुवै की घोड़ी न्हैगे कवस्यां नबा मज ।

जिमीदारो कणि हरु धाद मारी तब ॥

चौद साले रकम व सब नत मारी जानू ॥

यति करौ जम सब नत मारी जानू ॥

स्यर म्यर बांज रय रकम लै बन्द ।

चाहे बेचो घर कुड़ी चाहे करौ चन्द ॥

रकम लै जम कवो स्यर लै आवाद ।
 जगा जगा कवस्या मज लगे हैछ धाद ॥
 दूसरी ओंधाद मारी सल्ड तल्ला पट्टी ।
 आज तक चुपै रँय लगतावै बटी ॥
 मालकनौ समेत औ रकम लै ल्यावो ।
 वौरड़ी को स्यर म्यरौ आवाद के जावो ॥
 हरुवा ओ होत न्हैगो बसनाई फाट ।
 या मानो हुकम मोरो न पूजानू धाट ॥
 हरुवै की धाद सुणी हैगी भयभोत ।
 कतो बटो आछ कनी दुश्मन होत ॥
 जमीदारों का—कुदार के छोल भया आय कती बटी ।
 इनुलै निखान दिब लगतावै बटो ॥
 गौनू गौनू मज सब जम हई गया ।
 सवै एक मत करी सुणौ म्यर भया ॥
 रकम लै मालकामू हत दैकी ठेकी ।
 सैणी बळद साथ जैला इमजी छ नेकी ॥
 घर घर मज सब बनै हैला रब्ट ।
 सबासें वेकार लागौ रातें लागौ बट ॥
 कवस्ताँ का ओ जिमीदार कुणखेत अया ।
 सल्टीयों की बात सुणी लिया भया ॥
 पैली बटी नामी हया सल्ट का सलिडया ।
 भड़डालू बड़ हया ठुला लै बल्दिया ॥
 हलियो लै हल थामा संणियो लै बरा ।
 ठुलाओ बब्दी का त्रावू बाजिया नेवरा ॥

बोरड़ा का स्यरा मज रातै नसी गया ।

दैंकी ठेकी जम करी कार लागी गया ॥

हलिये ले हल बाय जेलणियां साथ ।

द्वीर्यं स्तरा मज हैरौ भारो सोमनाथ ॥

उज्याव हणम : हरु टुटि गेछ नीन ।

हाथ जोड़ी माता हणी हैरछ आधीन ॥

ढया मजा जाई वेर देखि आनू स्यरा ।

आई कि निअया इजा जिमीदार म्यरा ॥

हरुका—ढया मज जाई वेर लागीगे नजर ।

द्वीय म्यरो सेणी मैस लागी रई कार ॥

खुशी हई गय हरु आई घर घर ।

धवड़ मजि जीन धरी वादी ओ नेवर ॥

रेशमी कपड़ा पैरा पुतलिया पाग ।

ध्वण मज सवार हैगो बांसरी में राग ॥

कुणखेत सजर न्हैगे हरुवे की घोड़ी ।

सब झड़ स्यो लगानी हाथ जोड़ी जोड़ी ॥

खुशी हवे न्हैगो बोरड़ा स्यरम ।

सल्टा क सलिया सब हई गया जंब ॥

जमीयारों का—सब झड़ स्यो लगानी हरुवा अणस ।

घोड़ी वे उतरी हरु वैठिगो बीचम ॥

छोटां ठुला मैस सैणी जम हई गया ।

द्वी स्यरों का लोग सब वैठि मया ॥

हरुका—खानदानी च्यता छिय कसों कोष वात ।

हाथ जोड़ा अरज ढ नानी ठुला वात ॥

वहै गछा दुणे जया बुतो जया धान ।
 भली है जो तुमरौ लै धरी गछा मान ॥
 जनुक ऐरछा येती मेरो भाई बैणो ।
 मैस जैला देर मजि बेरे जाओ सेणी ॥
 क्वे हनला यकलाओ कैका नना तिना ।
 उनर शराप भाई लागलौ आधिना ॥
 सबै मैसों हणी हरु हाथ लै जोड़िया ।
 अरज छ मेरी भाई मैं भन छोड़िया ॥
 अपण दिलं की तुमू सुणानू फिकर ।
 कथ बटि करी हालों ब्याऊ की जिगर ॥
 सीदी सादी नानी हवौ घर खान दान ।
 सात लै भौजिया घर मंहेणी समान ॥
 आठुवां छ डजा मेरी बुढ़िया पुराण ।
 सबौ की जो सेवा करो ऐसी हो बौराण ॥
 ऐसी बात चोत हैरे बौराण स्यरमा ।
 दशमन नसी गय हरुवा घरम ॥
 हरुवा भौजिया हैनो कंसो कौछ बात ।
 मेरी बाल सुणी कौछ रानिओ ओ सात ॥
 देवरा कारण काटो दिन रात ।
 जिमोदारों हैती हरु ऐसो कौछी बात ॥
 भल खान दात चेली जैक भल नाम ।
 उरली बैठिया कौछा भौजि कैला काम ॥
 जो मेरी बौराण हली रली सब शीर ।
 सात जो भौजिया मेरा करीला खातीर ॥

ऊहंली बौराण अब तुम लै नौकर ।

तुमर रहणौ येती बड़ी छ बिकार ॥
भाभियों का—भौजियों लै सुणी जब दुश्मन बात ।

गुस्सा मजि भरि बेर घालनी यो घात ॥
जै बौराण भती ल्याये बेर हैजो रान ।

झन खाण पये हरू द्वी स्यरों धान ॥
हिटौ दिदि भुली अब हम नसी जोला ।

हरुवा जै ब्याऊ कौछा क्लक रहोला ॥
कमर बरति बांदी हत पर दाती ।

सातै भौजि बट लागी बेठि गे कुमति ॥
बौराडा कुणखेत बटि सङ्क में गया ।

सङ्क में जाई बेरा धोंस्यला लै गाया ॥

धोंस्यला

बकरै की कानी धम्मा धोंस्यला ।

जै बौराण भली ल्युलैं धोंस्यला ॥

बैरै हैजो रानि धम्मा धोंस्यला । १

पक्ये हैलौ मान धम्मा धोंस्यला ॥

झन खाण पये हरू धोंस्यला । २

हे सेरी का धान धम्मा धोंस्यला ॥

लट पटी लोडी धम्मा धोंस्यला ।

येती बटी खाली न्हैजो धोंस्यला ।

हरुवै की धोडी धम्मा धोंस्यला । ३

हरुवै की धोडी धम्मा धोंस्यला ॥

सात व भौजिया हरु करीगी चौपट ।

धोंस्यला गैबेर अब लागो ग़या बट ।
मिजातों में जानी तब भतवाली चाल ।

अब सुणि लियो आखिला का हाल ॥
चानीखेत मज हैला द्वी भाई भैसिया ।

हम धम नाम छिया बड़ पैक छिया ॥
घर बठी धम गयो भैसों की खबर ।

लालू ठाट पर तैलै अड्ड्याई कमर ॥
तब तक आई गई सात यों भौजिया ।

धमै लै खबर पुछी कतीक जणीया ॥
धमा को तुमरौ सौरासी छा कां तुमरौ मैत ।

कबुधता उना जंछा धमीला छाँ चैत ॥
बौराणी का यतु बात सुणी बौराणियां कनी ।

गुजडू कोट हीतों बान सातै हैगौं रानी ॥
और सब मरी गयी एक छ देवर ।

धागरा का खोज जानू तला ओ भावर ॥
हमारा लै दिन अब निकटना येतो ।

तलाओ भावर जौला सबु सुख जती ॥
धमा का यतु बात सुणी बेर तब कोंछा धम ।

तिरिया अबल हई निरनी सजम ॥
न जाओ भावर तुम चैता का महोना ।

धाम लागो बेर ओती ऐ जालौ अदीन ॥
जहां जंछा भावर वो हिटो मेरा घर ।

भावर जैबेर तुमू लागी चैला जर ॥

बीराणियों का साताओ बीराणी कनी सुणी लिया बात ।

देवर छ काल हरू हीत जैकी जात ॥

सुसी बेर हरूवै लै करणी चौपट ।

सबों की मुनई सज भुटी जलौ भट ॥

धमा का यतु बात सुणी बेर तब कोछ धम ।

कसी क भुटल भट हम जै छौ कम ॥

हरूवा जै येती आलौ निभुगुतौ जान ।

बादुला गिनुवा जस फेकुला असमान ॥

साज्जों का जज्जा यतु बात सुणी बेर सातै लौटि गया ।

धम का दगड़ा अब चानी खेत गया ।

चानी खेत मज खानो दै दुध पराई ।

हम कोछ धम हैंती सुण मेरा भाई ॥

तीन सैणी तेरा बांट द्वीन मेरा हनी ।

एक सुवा बांकी रेगे उमेरो जेठुनी ॥

द्वी भाइयों बाट तब चानी खेत हया ।

आधिन की हरूवै की बात सुणी लिया ॥

जिमीदार घर गया हरू गुज्डू कोट ।

खनखनाट ध्वण पड़ जब चाय गौठ ॥

घास पात के निंदेख न्है गया भतेरा ।

भौजिया कां गई इजा है गेछ अबेर ॥

कती गई मेरी इजा भौजिया ओ सात ।

धौ काटणो हैगे हरू फिकरै की रात ॥

पूरब उज्याई मज हरू हो तैयार ।

एक हाथ ढाल थामो एक तलवार ॥

मेंत जानू मेरो इजा भौजियों खोजण ।

क्या बात है गेछ आज जो रहैगी वण ॥

यात खाया स्यू बागै लै यात टूट पैड़ा ।

स्यू बागै बदल ल्यूला टुट हूणा ढाड़ा ॥

हरूवा ओ हीत ज्हैगो ज़गलों ज़गल ।

बांसुई खानम देखि भौजि घस्यरों दंगल ॥

हाथ जोड़ि हरू कौछ सुणौ मेरी बात ।

उन्हा उमां जानी देखी भौजि मेरा सात ॥

सैणी कनी सुणि लियो रज ज्यू हमरा ।

पत्त हम बतै द्युला लौटि जाओ घर ॥

सात ओ भौजिया न्हैगो भैसियों का घरा ॥

चानी खेत मज हैला उनरा लै ड्यरा ॥

हम धम नाम हल पैक छ झू भारी ।

भन जया चानी खेत तुम दिला मारी ॥

यतु बात सुणी हरू टूटी गे कमर ।

के बतोला इजा कणि कसी जानू घर ॥

धिकार छा मैहणी लै लोटों डरीक ।

आपु हणि झास रय उमरा भरी ।

डरपोक च्यलै लै आब कब लै बचणों ।

यात नाम ममें जाणो या भल मरणों ॥

जस हलौ भुगुतुला भौजियो कारण ।

या ल्योल भौजियों कणि या द्युला प्राण ॥

मार मार कने हरू चानो खेत गय ।

सोवा क्षा थुपुड़ मज बैठी लक गय ॥

हथियार भी में धरा बात सुणी रय ।

थोड़ी देर मज तब हर्खै लै क्य ॥
हरू का सुणि लियो पेरा भाई मैं माफ कै दिग्गा ।

भेरो लै भौजियो कणि में कणि दिदियो ॥
यतु बात पड़ी गैछ हमा का लै कान ।

को ऐ रौछा भौजि वाव फट लेगे दान ॥
हमा का भौजि वाव म्यर भुला कौ ऐरछ भ्यार ।

कान के पकड़ी बेर फेंको कोसी पार ॥
यतु बात सुणी हरू उठिगो जहर ।

गुस्सा मज भरी बेर बाल भरै भरै ॥
हरू का भ्यार क्यलै निअना ओ निगुरा कुजाति ।

ठाड़ौ हई रयो मैले खोलि रैछ छाति ॥
यतु बात सुणी बेर धम आई गय ।

द्वीयों का आपस मज अंग भिड़ गया ॥
धमा हरू का लड़ना हरूवा हीतक हय तौणियां बदन ।

धम पैक लड़ि गया भालू कस कना ॥
द्वीनूक है गया तब मल युद्ध भारी ।

गुस्सा मजा भरि बेर हरूवै लै मारी ॥
हरूवा मारण मज गिरि गोय धम ।

भट पट हरू तब बैठिगो छातिम ॥
हरूवै तागत देखी घबड़ाय धम ।

तिरियों कारण ददा मरी गय हम ॥
धमा का म्यार माग पार निछे तिरिया लहणी ।

मेरी लै तरफ बटी सातै छै तेहणि ॥

४३

यतु बात सुणी देर हम न्हैगो भ्यार !

एक दम लड़ि गयो कठें कसि चार ॥

हम हरु लड़ि गया धम हों तैयार ।

हरु पर करि हैछ लटु स्वटों मार ॥

तीन दिन तक रगो भारी घमसान ।

द्वीयों का दगड़ा लड़ि गिरी गो निदान ॥

हरु को मार देना बेहोश हैगोय हरु पड़िरो जमीन ।

हम धम द्वीयें भाई पड़ो गेछ नीन ॥

लाश पड़ो रैछ हरु हँस उड़ि योय ॥

महेड़ी क पास जाय स्वीणा मजी कोय ॥

स्वप्न में माता से चानीखेत मरी गय भौजिया कारण ।

लाश पड़ो रैछ ओनी उड़िगो पराण ॥

हमा धमा साथ इजा तीन दिन लड़ो ।

भूख कारण इजा जमीन में पड़ो ॥

एक दिन मरण छा एक दिन काल ।

अपण त दुख गोय त्यर जनजाल ॥

आठ चंलला सेती देर है गई अनाथ ।

कसो रौली गुज्डू कोट क्वे निरथ साथ ॥

स्वीण मजी कैछ तव सतवन्ती माई ।

क्यलै गय चानीखेत क्य कुमति आई ॥

कसी भूख लागी चंलला जो हय निराश ।

वैग धारी दूध चंलला ते पिलौला खास ॥

गोदी में बिठाई वेर छानी पै लगाय ॥

महेड़ी क दूध पिय पेट भरि आय ॥

जिन्दा होना स्वपना रणम हरु पेट भरि गोय ।

मुणी मुणि करे भया जागण भैंगयो ॥

गुज्जू कोट माई जागी हरु ज्ञानी खेत ।

उज्ज्याव हणम ढीये है गई सचेत ॥

आँख खुला गहड़ी का स्वणि आई याद ।

अपणा गोरिया कणी मारी हली धांद ॥

माता का—सांच जै गोरिया हलै हरु बौढ़ै ल्यये ।

च्यलौ म्यर मरी जालौ तू माट बुकाये ॥

रुनै ब उड़ानै न्हैगे गोरिया थानम ।

दुखिये आवाज न्हैगे गोरिया कानम ॥

सहेणी लै धर जब गोरिया का ध्यान ।

आँख खुला हरुवा का हृदया में जान ॥

हरु का आपण भनम हरु करुछ विचार ।

क्यां कुमति आई कोछ जो छोड़ी हत्यार ।

गुस्स मज हरुवा का आँख हैगो लाल ।

कस केरौ आज कोछ बेमौत वे काल ॥

जै लाग हरुवा तब उठाई तलवार ।

कतु लुका चोर जपर आई जावो भ्यार ॥

हरुवै की धाद सुणी सबै चौकि गया ।

मरियंकौ जशोन हैगो सुण म्यर भया ॥

दोनों भाइयों का हिट म्यर ददा अब्र द्विय भाई जौला ॥

मारी बेर मोवा सेत हरुवा दबौला ॥

द्विय भाई मत करि आई गध भ्यार ।

हरुवा लै थाम हैला ढाल लै तलवार ॥

हम धम हरू हैंनी देखनी तलवार ।
 हरू पर करो तब लटु बल्टो मार ॥
 हरू को मार देना ढाल पर रोकी हरू लटु बल्टो मार ।
 दूसरा हाथ लै हरू चलै तलवार ॥
 हम धम द्वी भाइयों का सिर काटी गया ।
 लाश पड़ी जमीन में हँस उड़ि गया ॥
 जै लाग हरूवा तब खरक भितेर ।
 सातौ का धम्यलौथामौ गुस्स भरि बेर ॥
 घर बड़ा लगै बेर सातौ ल्याय भ्यार ।
 सात ओ भौजिया तब है गई लाचार ॥
 भाभियों का धमेली लै छोड़ि द्रियो हिठी बेर ओला ।
 आपर्णा दिल को तुमू बात लै बतोला ॥
 सेती पाई बे तुम बनाया जवान ।
 आज ओ खोजण बैठा हमू हैबे बान ॥
 तुमर कारण नहैगे जवानी हमरी ।
 हमू हैबे बान अब को हली दूसरी ॥
 सबों हैबे बान दयोरा भोट में बतानी ।
 मालू ओ रोतेली हली दुनिया गाहिनी ॥
 हना जबा च्यला तुम मालू व्यवे ल्यना ।
 मल भोट मज तुम नाम को आन ।
 च्यला हला मालू ल्यला नतर सियार ।
 कतु भुक्ति जानी यसा कुकुरे की चार ।
 तिरियो बचन सुणी हरू कलेजी भै गयो ।
 गोली का समान लागौ टकड़ा कै गयो ॥

भौजियो लीबेर हरू आय गुज्डू कोट ।

कलेजी में लागी रैछ बचतों की चोट ॥

हरू का—हाथ जोड़ी माता हणी मिर लै झुकाय ।

तेरी लै टहल हणि भौजिया लि आय ॥

तू रहये इजा मेरो येती गुज्डूकोट ।

बचनो कारण आज जानू भला भौ ॥

व्यवे वेर ल्योंला इजा ग्रौ माल रौतेली ।

दुनियां गाहिनो हैरैं मालू सौके चेली ॥

माता का हरूवै की बात सुणी हिय भरी आय ।

महेड़ी का आंख मजि सौण झुलि गया ॥

क्यलै मल भोट क्यछ यस काम ।

कैल बहकाय च्यला केछ वीक नाम ॥

हरू का—हरू कौठा टव सुण इजा बात लै बतानू ।

भौजियों लै बोली मारी कसिक रहनू ॥

माता का माई केछ सुण च्यला चिनादन हठ ।

तुत जालै भोट हणि कोट रल पट ॥

नजा नजा म्यर च्यला भोटान्ता का देश ।

भौटियो, दगड़ च्यले निपड़नी मेश ॥

जादु का पड़िया रनी विपक भरिया ।

ज्यान जिया क्व निलोटा बोता छै मरिया ॥

निमाननै ज़व तुस मेरी कै जा मेरी गत ।

तुन गये भोट हणि मेरी है कुगति ॥

ज़व सुणी हरूवै लै महेड़ी की बात ।

मै निजानू भोट हणि बहकाई बात ॥

हरु का हरूवे लै मन मज मत्त लै उपाय ।

वामण क पास जाई सुदिन कराय ॥

घर आई बेर हरू महेड़ी नवाई ।

मुनई कटोरी बेर पलंग स्यवाई ॥

बुढ़िया पराण हय पड़ि गई नीन ।

हरूवा ओ हीत अब क्य करु आधिन ॥

हरूवा ओ हीत तब करुषा विचार ।

जण का लिजिया हरू है गोछ त्यार ॥

घड़ा पास नहै गेय हरूवा लै हीत ।

सजाण भै गोछ घोड़ी सुणो लिया भीत ॥

सुनहरी जीन धरि चांदी की रकाब ।

सिर में कलंगी नाजी घोड़ी क्या नवाब ॥

मोती चूर लगाम ओ घोड़ी पै लगाय ।

घोड़ी सजी बेर हरू भीतर ऐगय ॥

रेशमी कपड़ पैरा पुतलिया पाग ।

हिय भरी आय हरू मन में बैराग ॥

एक हाथ ढाल थामी एक तलवार ।

विरोधी बांसुरी धरि मन में विचार ॥

इजा कणि हरूवे की पड़ी रैछा नीन ।

हरूवा लै हीत तब क्य करु आधिन ॥

माता से मेरी इजा गुज्डूकोट तू रखा निवना ।

म्यर ले लिजिय इजा तु रोये लै भन ॥

सात भाई मरी गया तब इजा छोड़ी ।

मैं पापी निकलौ इजा मैले ज्योने छोड़ी ॥

मल भोट जानू इजा मालूक परण ।

गुजडूकोट छोड़ इजा बचनू कारण ॥

हरूवा का आंखों मज सौण मुली रथा ।

मन मने मज हरू महेड़ी हैं कया ॥

सांच च्यल त्यर हौला लौटि घर ओला ।

भुठौ जै हनल इजा मल भोट रोला ॥

तासरा अध्याय

हरू का मालु के लिए भोट जाना

हाथ जोड़ी माता हणि हरू हौं तैयार ।

रकाबों मैं खुट धरी है गयो सवार ॥
ध्वड़ मज बैठ हरू बट लागि गयो ।

वचन कारण हरू मरण हैं गोय ॥
महेड़ी का ध्यान धरि आधिन नहै गया ।

जोव जन्तु गुजडूकोट भुरण लै गया ॥
हरूवे की धोड़ी नहैगे हरण का बट ।

निगलागों वटि नहैगो गमिणी का घट ॥
तब आई गोछ हरू पितरोंक ध्यान ।

भेट करी जानु कोछ आपण तिथाण ॥
ध्वण लौटे बेर गय जाँ छिया तिथाण ।

हंसी ढुंगा मज कय अरघ धुपाण ॥
हात जोड़ी हरूवै लै करी अराधना ।

सांच जै पितर हला मै छोड़िया भन ॥
भौजियों कहण पर मर हण जानु ।

तुम छा पितर म्यरा पुकार कै जानु ॥

मैं मरुला भोट जब बंश मिटि जालो ।

गुज्डूकोट रोजै हृणि बांज हर्इ जालो ॥

तीथाण मैं ढाढ़ मारी याद आनी भाई ।

ज्योंन हना म्यर ददा करना सहाई ॥
फुटिया करम म्यरा आड़ ने आधार ।

भोट में आफत आली सुणिया पुकार ॥
सांच जै तिथाण हलौ पितरों क येती ।

मैं मरुला भोट जब क्यैल ऐजै येती ॥
सबौ कौलै नाम जपी जतु छी मरीया ।

बटलागी गय हरू विरोध भरिया ॥
दुड़ बुड़ी चाल लैरे मालूक छ ध्यान ।

व्याल क बखत न्हैगौ भगौती दुकान ॥
बजारा ढाँकरी ऐरे घर का लै आया ।

सब वो ढाँकरी औती जम हैरि गया ॥
हरुवा वो हीत कोछ सुणों सब झण ।

जणी लोग रट्ट दिया अणी गुण चण ॥
गूड़ चण खाया सब खाई हैली रौट ।

उज्याव हणम हरू लागी गोय बट ॥
आखरी खवै छ मेरी नक झज माना ।

बिखिलौ मुलुक जानू ज्येकौला भगवाना ॥
घड़म सवार हय गाड़ी है मुरुली ।

विरोधी बांसुई हरू कलेजी कोरलो ॥
हरुवे बांशुई बाजी डौणिया का आम ।

बगड़ा में चारों गौका सैणी लैरे काम ॥

विरोधी वाशुई बाजी कानों पड़ी रैण ।

सब सैणो धोक लैगो राड़ छोड़ी देण ॥

औरत का धन-२ विचरा तू धन माई बाब ।

कलेजी विरोध लैगौ कसी रनु आब ॥

हरुवा यो हीत कौछ सुणौ मेरी बात ।

बिख की भरिया रैछ तिरिय की जात ॥

हरु का दोहा तिरिया ऐसी मोहनी, अवगुण हैं ये तीन ।

पर मन पर धन हरन को तिरिया बड़ी प्रवीन ॥

यतु कई बेर हरु घ्वड़ लै दौड़ायो ।

कढोई का तला पना हरुवा ऐ गयो ॥

कवि का भिकुवा मंच्याड़ी छीय भिक्यासैण मज ।

चार पट्टी मालिक छा भिक्यासैण मज ॥

घट तैक बोंया हल कुकुर खात्खुली ।

सात छैं बैशुवा तैक जतिया मारखुली ॥

हरुवै की घोड़ी न्हैगे कढोई तल पन ।

खल बली मच्ची रैछ भिक्यासैण पन ॥

दौड़नै एगय तब जतिया मारखूली ।

भुकण भै गय तब कुकर खात्कूली ॥

हरुगै की घोड़ी ऐगे भिक्यासैण पार ।

तब तक द्वीये ऐगी गगासा किनारा ॥

हरुवे नजीक तब द्वीये आई गया ।

घोड़ी में वे तब हरु समज्जन मैं गया ॥

हरु का निकय कसूर मैले निकय अनाण् ।

निअं तेरा भिक्यासैण नितरु मैं गाण ॥

कतुक समझाय हरु निमानना बात ।

जै लागौ जतिया तब असुरै की जात ॥
गुस्स मज हरूवै लै उठाई तलवार ।

मारौछा जतिया तब टुकड़ा लै चार ॥
चारो दिशा हंणे फैका टुकड़ा लै चार ।

कुत्ता मारी बेर फेकौ भेकुवा का द्वार ॥
आंधिन लै जाई बेर घट जो तिड़छा ।

हरु कणि देख बेर वैलै तिड़फिड़ कौछां ॥
जै लागौ हरूवा तब घट पाट फोड़ौ ।

टोड़ी टोड़ी बेर वैलै वगाय फितड़ौ ।
भिकुवा भंच्याड़ि कणि पुजिगे खबर ।

मार मार कनै न्हैगौ वैसुओं का घर ॥
भिकुवा मंच्याड़ि कौछ सात वेस्यों हैती ।

कसां बैठी रजा तुम क्य बिगड़ी मति ॥
शतुरै लै येती अब करि है चौपट ।

जतिया कुकुरै मारी फोड़ि हैछ घट ॥
यतु बात सुणी सातै न्है गई बटम ।

बाटौ रोकी बात कनी अटम सटम ॥
भिकुवा भिकुवा लै धाद मारी चारों पट्टी मज ।

येती आई रौछ आज गुजडूकोट रज ॥
बंजा गंजा लिई बेर लठ बलटा ल्यायो ।

ऐतो आई हरूवै की बुति करि जावो ॥
भिकुवौ की बात सुणी सब जिमीदार ।

बड़ा गंजा लीई बेर है गया तैयार ॥

१९

हर का कहना आपण मनम हरु करुछा विचार ।

वार पार सब आज क्षम है रे तयार ॥

भिक्षासौण मज आज के कौतिक हल ।

हेल चल मचो रेछ पड़ी रेछ रौल ॥

वार पार लोग सब जम हई गया ।

हरु कण मारो कनो चिलाण भ गया ॥

सब लोग देखी जब आवाज लै सुणी ।

मन मज हरु कौछ आई गेछ हुणि ॥

ऐसी सोची मन मज कुस हय हल ।

कसि जान भोट हुणि ऐती एगो काल ।

अपण मनम हरु सोचण भै गया ।

यों ऐ रथी निरा निरी चुपाण के हय ॥

देवी क सुमिरण करि गोरियक ध्यान ।

मेरी लै मदद कय मांगनू वरदान ॥

दुधारी तलवार थामी गेड वाली डाल ।

गुस्सा मजिं हरुवें की आंख हैमी लाल ॥

साठी बेशु मारी है तो बुसि गो बाजार ।

खटा खट हरुधी नै चलौदी तलवार ॥

लड़ना चौतरफा धोड़ी नाची हैगो हाहाकार ।

लाशों की तढेर नागे मून की लौ धार ॥

आधा जिमीदार मरा आधा भाजि गया ।

मंच्वाड़ि का वश मज एक लै निरया ॥

भिकुवा मंच्वाड़ि छोड़ी चौपट है सब ।

करिये आखर गोठा लौटि ओला जब ॥

सब को मारना घोड़ी का सिरम पड़ै महाकाली जाप ॥

गगड़सा का बट हरु नसी गय साफ ॥

मार मार कर्ने हरु लुत लेख गया ।

हाथ जोड़ि हरुवे लै गौरिये हैं क्या ॥

हरु को भोट जिति वेर जब मालू ब्यवे ल्योला ।

द्वी जोंवा हिनोला तब ते कणि चड़ोला ॥

हरुवे की घोड़ी नहैगे वागेश्वर जब ।

हाथ जोड़ि अराधना हरु कोंछ तब ॥

मालु जिति राजी खुशी लौटि वेर ओला ।

मुन के कलश स्वामी जहरू चड़ोला ॥

आराधना करी हरु बट लागी गयो ।

दान पुर जुहार बटि तकलाकोट गयो ॥

हरु का तल्लाकोट में

तकलाकोट कटी लैगी विदेशी मुलुक ।

अब छुटी गोछ घोड़ी आपण मुलुक ॥

तुई मेरी इजा बवा तेरा छा भरोसौ ।

जती जाली मेरी घोड़ी विख न बरसौ ॥

एतु वात कण मज छवड़ बैठि गय ।

छवड़ के दौठण मज भारी दुख हृथ ॥

फिरभन के द्रिगड़ी जो तूहै बीमार ।

भाग्य भाज एह हरु मन में विलार ॥

वाता वासो राज हरु पड़ि गुड़ि राने ।

इच्छन दो आधिन औ राम रचि वाहु ॥

रात देखि दर हरू धोड़ी है तैयार । .

ईश्वरी कौ नाम लिवै हरूवा सवार ॥

पैली रात चीन कूद दूसरी कोचीन ।

तिसरी व रात धोड़ि लख महाचीन ॥

येतो बटि लौगो धोड़ि हुणियों को देश ।

दिन हणो छिपी जानी रात परवेश ॥

चौथी रात हुणियाँ का पांचों घ्वड़ मुख -

परदेशी जीव छिय भारी मिल दुख ॥

छटों रात धोड़ी न्हैगे खास ओ भोटम ।

बस्ती छोड़ि बेर भाई जंगल बोचम ॥

बोती लक हलो हरू देवीक भवन ।

देवीकौ भवन देखी खुशी हैगो मन ॥

हरू का भवन भीतेर हरू लागिगे नजर ।

अरघ धूपाण हैरौ फूलों भर फर ॥

अरघ धूपाण कय हाथ जोड़ि ध्यान ।

परदेशी जीव छों मैं मागनू वरदान ॥

मेरो रक्षा करि दिये भोटियों बीचम ।

विलिख मुलुक माता रहिये संगम ॥

अष्टबली देई जोंला वचनो आधीन ।

देवी पूजा करि बेर पड़ि गई नीन ॥

नेमधारी चेलियों क रोजै छिय नेम ।

नाण धुण देवी पूजा रातो पर टेम ॥

मालू का पूरव उज्याई मजि मालू है तयार ।

नाइ धीई बेर मालू करो नै श्रृंगार ॥

अरघ धुपाण लिनौ मालु नसी गेछ ।

देवी का भवन मज अराधना कैछ ॥
मैं कौँछिय सांचि हली तू रहैछ भुठि ।

बार्स वर्ष पूजा कंबे तु क्य लक रुठि ॥
आखिरी की पूजा मेरी सुणिये अरज ।

मन कसौ बर दिये य तेरौ फरज ॥
पाली पछौं रज हवो भारी बलवान ।

तीन दिनैं मालु हैंछा जाती बै निदान ॥
मालुकी लै ध्यान वैरों देवो पूजा मजा ।

बचनों आज न्हैगे हरू कानों मजा ॥
हरू का खड़ौ हुई गयो हरू वाई यो बुरज ।

पूजा करी मालु लौटि जसी उ सूरज ॥
मालु का मालु को नजर लैगे हरू पर जब ।

चक्कित है गिरि गेछ मन्दिर में तब ॥
हरू का- मालु की हालत हरू देखीये रैगयो ।

मालु पतौल्यूल कौछो ये कणी क्य हयो ॥
मालु की सूरत हरू देखिये रैमया ।

आँखो में चैककर आय आफू गिरी गयो ।
थोड़ी देर मज हरू होश आई गई ।

इतर सुगन्ध छड़ी मालु होश आई ॥
मालु का-हरू कण देखि मालु बड़े हर्ष हयो ।

फिर लै मरद छिय हरूवै लै क्यो ॥
हरू का—कोछे त्यर मैति गीति क्यछ तेरौ नाम ।

देवी का भवन मज क्यछ तेरौ काम ॥

मालु का—मालु कैछ सुणि लिया बात लै निदान ।

बार वर्ष पूजा करी देवी है बेमान ॥

भारी खानदान की छो कालु सौके चेली ।

दुनि मेरी नाम जाण ओ मालु रौतेली ॥

आपण लै पतौ सब बतौ दियौ चाम ।

के तुमरौ जात हली के करछा काम ॥

हरू का—यतु बात सुणी हरू करुछ सवाल ।

देवी ता निरुठी मालु देवी है दयाल ॥

सारै हूँल ते सुशानू लग तानौ बटि ।

जिला अलमोड़ा मेरो सल्ट तल्ला पट्टी ॥

चार पट्टी मालिक छों गुज्डूकोट थात ।

हरूसिंह नाम हयो हीत मेरी जात ॥

बौरड़ा लें कुणखेत गगन मण्डल ।

कमें बौर धरी जानी जमीदार भल ॥

त्यर लै कारण मालु कस ध्वक पाय ।

देवी ले दयाल हैछ जैले यां मिलाय ॥

मालु का—हाथ जोड़ी मालू कैछ बात सुणी म्यरा

द्विय भण नसीं जोंला देश ले तुमरा ॥

हरू का—हरू कौछ सुण मालु कसी तेरी मति ।

सौरासी निदेख मैले एति त्यरा मैति ॥

चोरी वेर ते लिजोंला मेहणी धिकार ।

दुनिया का मैं बतैंला सबै चोर जार ॥

मालु का—मालू कैछा निमना मैं जै आनु घर ।

घर जाइ मालु ल्येगे विद्या कौं लै भार ॥

पढ़ि हलौ जादू मालु चलात मन्तर ।

मखो बने हरू धरो डिविया भितेर ॥

भवर बनाय ध्वड़ आकाश उड़रय ।

स्वामी का डिविया मालु धमोली दबाय ॥

धर छाई बेर मादू सचेत बनाय ।

आपण लै दुख सुख छियौ लै लगाय ॥

मालु कैछ सुणौ स्वामी झन करा हट ।

कभै झन जया तुम दक्षिण का बट ॥

यतु कबै मालु न्हैगे पुमण बाजार ।

दक्षिण भरोकि खोलि भन में विचार ॥

हरू का—भरोकी लै झन खोला मालु क्यलौ कैछ ।

अजमैस करी आनु जांलौ मालु ऐछ ॥

दक्षिण भरोकी बट न्है गोयो बाजार ।

सात बैणी गंगला के विद्यानो का भार ॥

गंगला संगला सात बैणी अलबेली ।

जादू का पढ़िया हैला मालु कैकी चेली ॥

गंगला का—सातों लै बैठाय हरू सुतारी पलंग ।

कसी बात कनी तब हरूवा का संग ॥

गंगला कौ नाम भुला मालु घर गया ।

मालु घर क्यलौ गया कैल बहकाय ॥

तुमरा कारण न्हैगे जवानी हामरी ।

मैं हबौर बान अब को हली दूसरी ॥

हरू का—गंगला हैं हरू कौच सुणौ मेरी बात ।

मकणि त्र क्य छलली तिरिया की जात ॥

मेरी लै सामणी तेरी निचली अकल ।

मालु हैवे और कैकी निदेखु सकल ॥
गंगला का—गुस्स मजि भरि बेर गंगला नसीगे भितेर ।

बंगालौ को चेड़ा लिवै मन्त्र पढ़ि बेर ॥
नंग छड जादू हरू नसीगो सिराण ।

लाश पड़ि रगे हरू उड़ि गौ प्रराण ॥
बगस में बन्द करौ लिन्है गेछ लाश ।

खडु खोदी खड़े दिय बगीच में खास ॥
सात बेणी खुशी हैरै हैगे भर फर ।

बाजार घुमण वटि मालु ऐगे घर ॥
मालु का—भितेर चहाय हरू निदेखौ मालिक ।

कयलै गया स्वामी मेरा के बिगड़ी लीक ॥
दक्षिण भरौखी पर लागि गे नजर ।

खुलिया भरोखी देखी हैई गे फिकर ॥
मैं जाणनू गंगा हात मरिगे बेकाल ।

रुनै-२ मालु तब फोड़िछा कपाल ॥
रुनै-२ मालु कण तीन दिन हैगी ।

उज्याव हणम तब स्वामी स्वेणा ऐगी ॥
हरू का—कां जौला आपण देश रंगो तेरा भोट ।

सतुरों का घर गग झन होयो चोट ॥
तेरा लै बगीच मज खड़े रयू खाड़ ।

अन्न खये पाणि पिये झन भारे डाड़ ॥
तेरो मेरो आपस में द्वि दिनो क योग ।

मरै हँणि भोटा आयौ झन कये सोग ॥

मालु का—भट्ट स्वीण मज मालु एक दम जागी ।

फावड़ कुटव लिवौ बगीचा जैलागी ॥

खडु खनी बेर मालु खौलद्धा बगश ।

घोई कसि फाट तब देखि हैछ लाश ॥
लाश लै पकड़ि मालु लिन्है गेछ घर ।

जादू पढ़ि बेर मालु उतार जहर ॥

चेतन हैबोन हरु राम राम कथ ।

हरु कणि देखि झोर मालु हर्ष हय ॥

हरु का—हरु कणि ऐगे तब गंगला की याद ।

गुस्स मज भरि बेर मन में बिखाद ॥

मुणा मेरी मालु कोंछा ल्या मेरी तलवार ।

मैले देखि आनू मालु भोटियों बाजार ॥

हरु मालु आपस में वात कनी जब ।

चौकीदार वातों कणि सुजि रथ सब ॥

चौकीदार का—मार-र कनै त्हैगो कालु सौके पास ।

चोर आई रौछ कोछ त्यर घर खास ॥

कालु सौके का कालु सौकेले जब एति बात मुणी ।

कांक चोर आय कोछ नैका ऐरे हुणी ॥

फौज सजौ बेर कालु ढाक ली तलवार ।

जादू का बटुव लिवौ धाड़ों में सवार ॥

भोटियों लै लागी गेछ मालु की तजर ।

तब हैगे मालु कणि स्वामी की फिकर ॥

मालु का मालु केछ मुणी स्वामी यौ हैगे अन्धेर ।

स्थार वाव आई गोछा फौज सजौ बेर ॥

तुम थामो तलवार मैं पढ़न् जादू ।

तब कयो कालु च्येलो जब भोट सादू ॥

घबराया भन तुम धरिया धीरज ।

स्वामी की मदत कणी नारी कौं फरज ॥

हरु का लड़ना—छत्री बसी च्यालौ छियो पड़िगो रणम् ।

शेर जसौ पड़ि जांचां हिरण्यो बणम् ॥

रण मज कुदी घोड़ा हैगे हाहाकार ।

एक कणी हरु मारों घोड़ी मार चार ॥

भोटियों लै हरु पर करी जादू मार ।

मालु का मन्तर भज निवासिनी पार ॥

रण मज भोटियों का हरुवा जवान ।

लड़ण भैगोछ तब चंडी का समान ॥

कालू शौक मारी दियां फौज सबं मारी ।

लाशों की तौ ढेर लागी खून गंगा भारी ॥

भोटियों का—बांकी जो भोटिया छिया करनी अरज ।

मालु ब्यवे बैर लिजा भितुरी फरज ॥

यतु बात सुणि बेर हरु लौट गय ।

सूर वीर मरी गय पैक क्वे निरय ॥

हरु का—मालु हैती हरु कौछ सुण मेरी बात ।

स्वीणा मजि इजा देखि बेलिये की रात ॥

हिट मेरी मालु अब द्विय भण जोला

गुज्डूकोट जाई मालु इजा सेवा कोला ॥

मालु का—मालु कैछ मैति बिना है गाय अनाथ ।

भोटक लै धन माल लादौ सब साथ ॥

हरु का—घवड़ौ लै बकरौ भज करि है लदान ।

भोट कौ लै धन माल लादौछा समान ॥

यात धन भोट मजि या तलि बतानी ।

य देश निर्धन भया रंगीलौ बतानी ॥

द्विय झण नहै गया देवीक भवन ।

हाथ जोड़ि हरूवं लै करी अराधना ॥

अष्टबली दिण केंछौ दिया एक सौ आठ ।

छवडा व वकरा लिबै लागी गया बटा ॥

हरू का—मार मार कनौद्वीये ऐगी बागेश्वर ।

तीन जिलों मज हरू दि हैछ खबर ॥

नामी नामी जो सुनार बागेश्वर आया ।

छतर कलश तुम गड़ी लक जया ॥

बागेश्वरा सुनारों की खुलिये दुकान ।

स्वरणों की ढेर लौगे देखि वै हैसान ॥

बागनाथ को—छतर कलश चढ़ै श्री बागनाथ ।

दिये झण सेवा कनी जोड़ी बेर हाथ ॥

मार मार कनै अब लुतलेख आया ।

द्वी जोंवा हिनोवा हरू गोरिए जड़या ॥

लुतालेख—डिबरा बंकरा न्हैगी बाँसुई का स्यरा ।

पटुवा द्वयवि कणि मिलिगे खबरा ॥

पटुवा का—पटुवे लै धाद मारि चारों पटु मजा ।

स्यर म्यर बांज कैहै कैकी ऐ जा कजा ॥

चारों पटु लोग ऐगी पटुवा का संग ।

बाँसुई का स्यर तब उठ गयो देंग ॥

हरू का—मालू लैत जादू पड़ हरूली तलवार ।

लाशों की तौ ढेर लागे खून की लै धार ॥

आधु मरा आधु भाजा पदुवा रे गयो ।

कुला का कुल बान पर पदुवा दबायो ॥
मार मार करै तबा आया भिक्यासैण ।

भिकुवा का कानों मंज पड़ि गई रैण ॥
भिकु का हाथ जोड़ि कोंछ धन मेरा भाई ।

सात गङ्गों मज फिरी य तेरा दुहाई ॥
चंता का मैहैना गय सौण लौटि आय ।

भोट जिती मालु व्यवै नाम करै आय ॥
बकरा ढिवरा लहैंगी घड़ौं कौ लदान ।

भिक्यासैण बटी बाबू भगोती दुकान ॥
पछिन दुकान रैगो आघिन गम्भिणी ।

घर कणि माई पर लगीगे हंसिणी ॥
माता का—हाय हरु-र करै कंठ में पराणा ।

कसिक देखनूं कैछ उड़नी पराणा ॥
तब तक आई गई हरुवै खवरा ।

मूलू व्यवै त्यगो ढिवरा वकरा ॥
महेड़ी का कंठ मजि प्राण लौटि आय ।

स्वर जै हरुवा ऐगौ देवी है सहाय ॥
उठिगे नहेड़ी तब हय मादा जाल ।

भुलि गेछ दुग्ध मुख भुलि गेछ काल ॥
ढिवरा वकरा छोड़ि दिय अया घर ।

च्यन्ना च्वागो पर आव लागि गे नजर ॥
च्यन्ना च्वारी भुक्ति लिवौ मां करीछ प्यार ।

दुनियर में नाम रैजो धरती की चार ॥

घड़ौ व बकरा का लै उतरौ लदान ।

गुज्जुकोट जम क्य भोटो को समान ॥
राजी खुंशी भादों न्हैगो असौज लै गयो ।

कातिक महैन अब माता हैती कोय ॥
मालू भन जाण दिये भौजियों दगड़ ।
बिख का भरिया छै यों करील भगड़ ॥
घवड़ लै बकर लिवै भावर न्है गयो ।

सुणि लिया भाई लोगो आधिन क्य हय ॥
कवि का—घर का बकरो खाई मालू हई रई ।

मन मज हरुवा का भौजि जाई रई ॥
तिसरा दिन की बात सुणिया जिगर ।

जौ दिन हरु लै आणौ भावर बै घर ॥
कपड़ धुहणि गय बौराणिया सात ।

हेसि ढुंग मज तब कसी हनी बात ॥
भाभियों का—सातों का आपस में यस जत हयो ।

जहां लक हरु आंछ मालू मारो क्य ॥
आंवाई का पंख मालू बकरौ की रवाई ।

सातों लौ लगाछ धाद मालू लै बुलाई ॥
भोट की रणिया हई निदेखा ओ मंछा ।

कस हनी मिरगा यां कस हनी मछा ॥
आई जैछ हुणि जब बैठि जें कुमति ।

आंदाई का खख बढ़ि मालू ऐगै वोति ॥
मछ जौ चहोल कछी सातों लौ पकड़ी ।

मन मनै मालू केंछ ऐगै मेरी घड़ी ॥

मैं माफी मांगनु केंछ सुणी मेरी दिवी ।

छोड़ौ कनै रामा मालु पर विति ॥

भाभियों का—निरद्वई भौजियों लै रौउ डुबै हैछा ।

हंस उड़ि गयो मालु लाश पड़ी रैछ ॥

भाबर बै घड़ा मज हरू हो सवार ।

मारमार कनै हरू आयो कोसी पार ॥

हरू का—हरूवै लै गाड़ी तब विरोधी बांसुई ।

खट खट खट खट लागि गे भांदुई ॥

भांदुई लागण मज मालु ऐगे याद ।

बांयी आँख फड़िक गे मन में बिखाद ॥

माम-२ कनै हरू आय गोय घर ।

हाथे जोड़ि माता हंणि पूछुछ खबर ॥

भौजी सातौं आगी इजा मालु कती गई ।

दिन यी आखरी ऐगो मालु लै निअई ॥

मालु की खोज घोड़ीम बैठुछ हरू न्हैगो खोजण ।

बारे बाट बकरौ का हइ रइ बण ॥

हरूवै मन मज लगाय विचार ।

मालु मन निअय कि म्यर घर बार ॥

मालु नहै गेछ जाणी आपण लै मैत ।

लोटे बैर ल्यौल कौछ यौं घड़ी सैत ॥

मार-२ कनै न्हैगो भगोती दुकान ।

रात पड़ि गेछ तब धरि लिया ध्यान ॥

हरू कणि नीन पड़ि उज्याव हणम ।

सिराण में मालू बैठि स्वपना रथमा ॥

मालु का स्वप्न में हरू हति मालु कैछा हाथ जोड़ि बेर ।

कट्री जोला भोट हणि मैत मरी बेर ॥

मैति गोति मारी बैर है गोयु अनाथ ।

अब छुटि गौछ स्वामी तुमरौ लै साथ ॥
निगर्य मैं मैत हणि निछै मैति गोति ।

रोका तवा डुबै हैल् तिथाण छ जति ॥
सातौ लै ओ मत करो मैं डुबाय गाड़ ।

भन कया म्यर शोक भन मारा डाड़ ॥
उड़ि गय म्यर भोग मरी गया खेर ।

म्यर लै कारण स्वामी भन करा वैर ॥
ब्या करिया म्यर स्वामी करि लिगा ऐस ।

म्यर शोक भन कन्ध नी धरीला मैस ॥
हरू का जागना यतु बात सुणि हरू दुटि गेठ नीन ।

हरूवा व हीत झव झय करु आधिन ॥
हाय मालु २ कनै धंडा लै लौटाय ।

मार-२ कनै अब हंसि ढुंग आय ॥
हरूवै नजर लैगे रौका तला हुना ।

मुखड़ी कै तप मालू पुन्यों कसी जून ॥
हरू का हरूवै डुब मारी मालू गाड़ी भ्यार ।

हरू कीछा हाय मालू बिन मौतै मरी ॥
विलाप यो म्यर लिजिया मालू त्वीलौ कसी करी ।

तु म्यर कारण मालू बिन मौतै मरी ॥
मारी बेर गङ्गला लै मैं घड़यै दो नाड़ ।

गँगिया कौ ज्यौन कय मारी मारी डाड़ ॥

जादू पड़ि बेर मालु भोंटियों बीचम ।
 म्यर लौ कारण त्वीन्है मैति कै खतम ॥
 मै मरनौ जब मालु तू बचानी आज ।
 तू मरीगे गुज्डुकोट करी गेछै बांजि ॥
 एक ओ घागरी मिजि दूसरो छी कोरी ।
 मिजिया-घागरी खोली छातो पीटी खोरी ।
 हंसी हुंगा मज हरू धरीछ सुकाण ।
 घागरी का छाप ओति आजि ले पछाड़ ॥
 हरुवा बदन मजि लागि गेछ आग ।
 सबों मारी बेर गिनाय सानण ॥
 जंगल में जाई बेर गिनाय सानण ।
 जम करी आय हरु जां छिय तिथाण ॥
 मार-२ कनै हरु गुज्डुकोट आय ।
 कलेजी में लागी रैछ बिरह की चोट ॥
 सातों धम्योंली धामी खींची ल्याय घाट ।
 ज्योंन धरि चित्त मजि पड़ीगो चिचाट ॥
 सातै कै भसम कै लौ घर कणि आय ।
 हाथ जोड़ि माता हति हरुवै लौ कोय ॥
 हरु का—सांची जै महेड़ो हली छोड़ियै पराण ।
 तेरी गत मैं कै जोला जां मेरी तिथाण ॥
 मालु मरी गेछ इजा मैंले जानु सात ।
 पछिन मरली जब है जाली कुगत ॥
 सतवन्ती हाई कै बे छोड़िछ पराण ।
 माता कणि सिर धरी लोगयो तिथाण ॥

माता का—महेड़ी का चित्त साल लगे हैं आग ।

तिलाजली दिई वेर बने हैं खाग ॥

हर का—दक्षिण घवड़ी को चित्त आपण पूरब ।

अपण हातलौ हरु भस्मा, कै सब ॥

सब का भस्त होना मालु गोदी थामी हरु हैगोछ भेसम ।

हाय राम हाय शिव सब है गय खतम ॥

कवि का—मालु का कारण भया मरी गैं इगार ।

गुजडुकोट बांज हैगो लैगई दुहार ॥

कैक भन हवौ भया यस निर भाग ।

नारी लै पुरुष सब हैई गई खाग ॥

नाम लै अमर हैजो धरती की चार ।

महेड़ी वचेन छियो करिया विचार ॥

ज्योंन छियौ हरुवौ को बड़ नाम हय ।

मरी वेर धन हरु कस नाम रय ॥

ज्योंन जियः हरु हय गुजडुकोट रजा ।

मरी वेर हय हरु कोटनिकौ रजा ॥

आपण इलाक मजे भिरुछ तमान ।

फौज ओ फरहर संग सबै लै समान ॥

जग-२ मन्दिर छैं घाट घाट पूजा ।

न्याय कौ निसाप कौछ काम निछ दूजा ॥

सब जग बटि जब है जानि निरास ।

अरज लिवेर तब आनो त्यर पास ॥

जैक लै कसूस देख जांछ हीका घर ।
 ये त्वीलौ कसूर कौच दि द्युला खबर ।
 चौरी लै साबित कोंछ घर जाई बेर ।
 माल लै वाफिस कोंछ धमकाई बैर ॥
 रिपोट करनी जब त्यर दरवार ।
 निशाप करछै रजा नाम छा संसार ॥
 धन २ रजा तुम धन तेरी माया ।
 कसा कसा च्यला हथा यसा ख्बे निहया ॥
 अपण इलाक मजि फिरुछा निडर ।
 मेरो वाटो भन रोका दि द्युछा खबर ॥
 कोटित कौन गस्त त्यर भोट तक जांछ ।
 लौटि वेर कोस्यां नवा भावर लै आछ ॥
 आपण इलाक मजि हैरौ छ मशहूर ।
 निलागू केपग कोंछ बिगर कम्मर ॥
 कंतुको लै जाई वेर अजमेस करी ॥
 तेरी अजमत देखि लोंग गया डरि ॥
 धन ओ महेड़ी जैलै दो दिया वचन ।
 दुनिया में नाम तेरो रंगो सनातन ॥
 हस्ते किनात् भन पुरि तैगे भाई ।
 आधिना ओ गरमवनी है लये महाई ॥
 गद्य ओ बनाई तीन लिलाव तवार ।
 भारत के हर हीन सनवनी नार ॥